

Darinnen/die aber von sich selbst widerumben vergehn: darauff sich das Wasser also purgiert / das es hernach. 4. oft auch noch. 5. Monatlang gut verbleibt. Aber ober ein solche Zeit wil es sich schwerlich erhalten lassen. Endzwischen so mag es nicht wol fehlen/ das etwannt die Schiff einen Meerhafen erreichen / oder sonst ein Insul oder Land erschen/da man sich bey der Anfahrt keines feindlichen Abwehrens zu versehen / allda thun sie hernach widerumben frische Proviſion des Wassers nehmen / vnd seind sie beneben fürnemblich mit gutem Bier/ auch zum theil starckem Wein wol außgerüstet/ damit sie sich dann/ vnd soviel als das Trinken anbelangt/ desto besser auffendhalten mögen.

Sonsten aber so find man noch viel grössere Niderländische vnd Englische Naven. Ich name das Mess von einem andern Schiff/der Tiger genandt/ welches auch guten Lauff hatte / das war oben auff seinem obersten Boden. 164. Palmi lang/ vnd. 38. Palmi in seiner miten breit: Die Höhe von oben der Poppa an/bis auff die Carena hinunter/ war. 64. Palmi: ein sehr hohes ansehenliches Werck. Es trug ge. 40. stuck Geschütz bey sich/ vnd wurde von. 60. Männer zu Friedenszeit geregieret.

Das Kupfferblatt N. 13.

Damit nun der Architetto Navale das Corpus der Naven, wann sie gar außgebarren/ vnd außwendig gefüetert/ gestopfft/ vnd verbicht worden/ Ehe/ vnd zuvor man dieselbige in das Wasser werffen thut/ noch in dem Arsenale auff ihren Stößen (warauff sie dann gebarren wird) sehen möge/ so wird hiegegenwertiges Kupfferblatt N. 13. die eigentliche Proportion/ wie fürnemblich jr Grat vnd Bauch/ der sonst den mehrern Theil im Wasser steht/ beschaffen ist/ zu erkennen geben/ vnd bey. V. wird in denselbigen Einschnitt/ ein geformirter Löw gestellt. Bey. a. seind. 7. Löcher/ oder Läden / dardurch die stuck Geschütz heraus sehen. B. auch ein Laden/ der in die Küstcammer respondiert/ allda noch ein Stuck stehet / bey. C. ein rundes Loch durch welches das Sail des Anckers gelaitet wird. Vnd. r. r. zwan Fensterlin zu der Poppa, darinn der Capitano sein Wohnung hat. Bey. o. o. zwan andere Fensterlin/ zu des Piloten Cammer. n. die Poppa, vnd S. der timone, hernach aber so wird dise Nave, wie hievornen gemelt worden/ vollendt mit den Segelbäumen/ Sailern / Antennæ, Geschütz/ vnd Fahnen außgerüstet.

Das Kupfferblatt N. 13.

Wie die Nave im Arsenal stehend vñ ganz fertiget ein Ansehen hat.

D

Das